

四庫全書

集部

欽定四庫全書

文苑英華卷三百八十三 宋 李昉等 編

北省四

起居郎

授韓休起居郎制

蘇頌

勅朝議郎左補闕內供奉判尚書主爵員外郎韓休理
識清暢襟靈夷雅探學精微屬詞婉麗甲科對策嘗副
求賢左史記言用觀書法可行起居郎散官如故

授賀知章起居郎制

勅朝議郎

一作大夫

前行戶部員外郎賀知章業優詞學時

重才行稟精微之高妙體仁恕以明達必能書法不隱
立言可觀宜迴職於版圖佇擅聲於鉛筆可行起居郎
散官如故

授楊齊宣起居郎制

孫述

勅朝議郎前行左補闕楊齊宣規行介立守道安貞雅
致表於文詞清標傳於緒業頃叅諫職考績已深自聞

謝病歲年滋久雖宰臣立節每避舉親而公器湏才終
難滯用宜發命於中旨俾分官於左言可行起居郎散
官如故

授裴綜起居郎制

賈至

勅左史記事君舉必書先王之制也晉則董狐書法不
隱楚則倚相能讀典墳善惡成敗實由其言慎擇端士
求難其人殿中侍御史裴綜緒業清純言行敦敏俾之
直筆庶勗厥官可行起居郎

授崔瑤等起居郎制

崔 誨

勅載筆赤墀之下掌禮曲臺之中注記行而鉛槧是資
褒貶當而縉紳知懼顧茲所職豈易其人而擢備宮僚
亦為佳選以瑤貞規素履紹克儉之家風以碣秀質清
門承定傾之祖德以瞻雄辭舉藻躡珠履於賓筵以景
表退跡安時寄霜華於憲一作署我之自得爾亦薦聞
各膺寵擢之榮自有雲霄之路可依前件

起居舍人

授太子舍人劉如玉等右史制 李 嶠

鸞臺朝散大夫行太子舍人劉如玉朝散大夫檢校麟
臺著作佐郎崔融等並言芳蘭並行溫珪璧或譽滿銅
樓或名高石室記言之重選衆尤難宜收博辨之才俾
居良史之任並可行右史散官如故

授洪子興起居舍人制 蘇 頌

勅通直郎著作佐郎洪子興雅淡不羣清貞自遠學探
微旨詞造幽典立心有恒常慕直臣之節書法無隱可

稱良史之才俾列軒墀亦光鉛槧可守起居舍人散官如故

授崔銑起居舍人制

勅朝請郎前試

一作守

通事舍人崔銑識遠心明懷才蘊

藝缺碑畫記亡篋不遺寶朝序之英髦為士林之俊拔趨侍西掖洽聞東觀期書法以無隱俾舉能而有聲可守起居舍人散官如故

授陳九言等起居舍人制

孫逖

勅朝議郎守太子舍人攝殿中侍御史朔方節度判官
陳九言朝議郎行太常博士兼史館脩撰劉貺等清才
雅望敏學工文是周行之俊人有致遠之良具史臣之
選公議所一作歸宜並拜於軒墀俾分官於左右九言
可行起居舍人散官如故貺可行起居郎餘如故

授孔述睿起居舍人制

常 袞

勅宣議郎試太常博士東都河南江淮南等道轉運使
判官孔述睿左右史正用第一流其選殆精於尚書郎

也今東觀諸儒皆約注記而脩簡冊事之當否多取正
焉以某其作爾聖人之膺歷代儒首博通古訓述作可傳
出入起居期於秉直可守起居舍人散官如故

左右補闕

授許景先左補闕等制

蘇頌

勅奉議郎行揚州大都督府兵曹參軍事許景先詞舍
風雅有公直一作正之量宣議郎前國子監四門直講馬
利學摠典墳稟亨嘉之德士推令問人假清規致之掖

垣用廣賢路景先可行左補闕利徵可岐州扶風縣丞
員外置同正員仍直紫微省散官各如故

授楊齊宣左補闕制

孫逖

勅朝議郎前行右拾遺內供奉楊齊宣耿介不羣精明
有識傳清白之素業著詞華之令名達禮云終外除將
久宜承密命更列近臣可左補闕餘如故

授薛兼適左補闕制

常袞

勅朝請郎前行萬年縣丞薛兼適兄弟致美士林推重

詞清行潔政以幹稱在煩劇而有餘守貞方而不易文章侍從朝夕論思參我諍臣以箴朝闕可行左補闕散官如故

授辛丘度工部員外郎李石可左補闕李仍叔

可右補闕等制

白居易

勅朝散大夫右補闕內供奉飛騎尉辛丘度等朕詔丞相求方畧忠謹之士置於左右而播等以石可暨仍叔應自塞詔書言其為人厚實塞直常

集作嘗

以文行謀畫

從容於幕府之間臨事敢言當官能守可使束帶同升

諸朝又言立度介潔靜專不交勢利宜加推一作獎以

勸其徒况又集無又字久次者轉遷後來者登進皆適所用

平章可之可依前件

授盧文集作士下同致起居郎劉從周補闕等制

前人

勅君有舉左史得書之政有關諫官得補之二職者歷朝之清選也前侍御史盧文致嘗在西川時為從事亂

危潜伏能潔其身前監察御史劉從周頃佐宣城奉公

守正

其作政

端士之操終然不渝時所稱論並宜甄獎况

學術詞藻見推於衆並命清貫僉以為宜記事盡規各
佇能効文攻可起居郎從周可右補闕

授前合州刺史顏莢禮部郎中殿中侍郎御史

李德璘右補闕監察御史鄭渥右補闕等制

錢 珣

勅具官顏莢等昔太師魯公拘在寇廷渠魁有危

一作借

迫之問對以諸侯朝覲之禮奮發直言不屈端凝守正而殁理命之戒家廟為先賢哉鉅人可謂忠而知禮矣今堯行高學茂洪緒有承因太師之所為遂以禮曹郎命爾用昭遺德且勉令脩德璘合矩中規檀髦彥之稱渥端居慎守積監視之勞擢為諫臣實就近列使吾聞過繫爾當官無或面從以墜其職可依前件

左右拾遺

授梁升卿等拾遺制

蘇頌題

勅宣德郎行岐州雍縣尉梁升卿等或敷暢學旨或該
通詞藝爰廣獻書之路用開納諫之門不獨美於雕龍
頗思齊於市駿咸宜採擇以申甄獎可依前件

授韋啓左拾遺制

賈至

勅劍門縣令韋啓雅有文詞仍兼政術諫官近密必擇
正人忠讜之言期於無隱可左拾遺

授趙闡右拾遺制

常袞

誥獻再試文學考入第三等處士趙闡或懿文清拔四

科之美或純孝彰著百行之先或以言精梗槩

闕

屬觀風省俗頓網求才幽滯靡遺精麤咸

紀俾昇榮於中外庶有光於獎擢可右拾遺

授郎士元等拾遺制

勅前渭南縣尉郎士元等有君子之行有詩人之風頃
尉於畿亦克用乂匪躬之故無以易焉進思直言入告
於內勿使流議壅於上聞懋乃所職其無遺政可依前
件

授盧告左拾遺等制

杜牧

勅承奉郎行京兆府長安縣尉直史館盧告等朕觀不
理之代無他道也取唯諾之士為耳目之官是以太宗
皇帝之理天下也德為聖人尊為皇帝三日不諫必責
侍臣况予寡昧固多遺闕不官才彥安能知之告是吾
賢鄉老之令子弟也以甲科成名以家行著稱取自史
閣拔居諫垣夫朕之不德吏之不平政之失中人之不
寧四者之闕悉陳其志此乃漢文帝開諫諍之詔也忠

告不倦爾當奉職自用則小子不恠過勉思有犯無事
遜言景宣與揚皆有才幹糾繩大府贊佐兵郡各宜勉
力以讐知已可依前件

授前起居舍人韋序禮部員外郎前櫟陽縣尉

韋溪左拾遺

錢珣

勅具官韋序等近朝賢相名鄉以貞重簡潔益大其門
者序則承之故華選陟居昭其嗣也爾復稟粹揚清不
沓不屈播在公論使我思聞其或風法名家鉅宗稍替

溪則飾身而進志欲與為一羅等疑謨久為羈滯仍嘉
好學俾列近班夫賤奏所司典章誠重而昭嗣之選大
不在辭廷諍之臣惟直是舉欲與之志官以道彰華選
近班各詳茲訓可依前件

授前起居舍人崔居邈庫部員外郎前好畤縣
尉充集賢修撰獨孤遲守左拾遺等制

前人

勅具官崔居邈等郎署之選優諫臣之選重必用門子

以清朝倫居邀愿而自求以守名卿之嗣遲學而不倦
能從長者之言聞其退居皆已甚久苟無甄擢何為搜
揚可依前件

授監察御史李漸左補闕前著作佐郎張道右

拾遺制

勅具官李漸等朕常推感寤之意闢艱難之途實務塞
違用昭致理爾等或奕代之盛風聲有傳強以自圖守
若不墜或從學之道外直此一無字固在中慎無闕揣我之

情然後舉職從諫則聖吾詎無心於此哉可依前件

授長安縣尉直弘文館楊贊禹左拾遺鄠縣鄭

谷右拾遺制

薛廷珪

勅具官楊贊禹等以贊禹挺生公族雅有令名檢身如履其春冰操心不愧於屋漏而言行無玷文章可觀連中殊科首冠羣彥捨而不顧去奉良知三年於茲澄澹一致自待之意何其遠歟以谷二雅馳聲甲科得雋亦承遺構自致亨衢求諸輩流兼慎行止朕方求理道允

屬滯淹聞爾贊禹之規為可以厚風俗而敦教化聞爾
谷之詩什徃徃在人口而伸王澤舉賢勸善允得厥中
並命諫垣我為公選汝於職業勉自激揚可依前件

通事舍人

授楊泚通事舍人制

李嶠

勅朝散大夫行通事舍人員外置同正員楊泚肅承簪
笏頗著聲芳趨奉軒墀兼効勤恪宜加恩命俾從優獎
可檢校通事舍人散官如故

授韋元珪通事舍人制

蘇頌

門下朝散大夫行太子典膳監韋元珪占對閒詳風規
韶茂鷓庖分職已命膏梁之緒鸞墀敷奏佇揚賓客之
言可行通事舍人散官如故主者施行

授韋振通事舍人制

門下朝散郎前守通事舍人員外置同正員韋振良玉
蘊價明珠耀彩宜擢才於金穴俾趨侍於瑤墀可朝散
大夫行通事舍人散官如故主者施行

授盧惟

總目有惟字

等通事舍人制

孫逖

勅前行潤州丹徒縣主簿盧惟等士族見推人才亦著
威儀有則詞令可觀明試以言既閑於敷納為官而擇
宜在於軒墀並可通事舍人餘如故

授張伯禽等通事舍人制

賈至

勅太子左

一作右

贊善大夫張伯禽博雅溫良能詳故事

左金吾衛兵曹參軍張總淑慎徽美可立於朝休有令

聞忠而周敏出納朕命僉曰爾諧伯禽可兼試太子僕
總可守通事舍人

文苑英華卷三百八十三

欽定四庫全書

文苑英華卷三百八十四 宋 李昉等 編

翰苑

翰林學士

授學士杜元穎加侍郎制 元 稹

勅朝散大夫守中書舍人充翰林學士護軍賜紫金魚袋杜元穎昔我憲宗章武皇帝熏灼威明兵定八極大索俊乂以徵謨

集作謀

猷其在禁林尤集賢彥越正月夕

庚子將棄倦勤付朕眇末乃詔元穎佐予冲人以道揚

丕訓爾亦祇奉顧命咨援集作授舊章輔釐哀憂俾克依

據是夜而六官承式厥明而百吏授遺草定法儀茲實

賴汝官不稱事予懷歟然而又詞源奧深機用周敏申

集作授之以疊委之詔而益辨漢書與辨同扣之以疑似之問

而益明慎獨以脩身推誠以事朕職勞可舉德懋宜升

不俟踰時寧拘滿歲綸誥清秩版圖劇曹例無兼榮特

示甄寵予以國士遇集作待汝汝以忠臣報予効而集作乃

肺肝司朕耳目可守尚書戶部侍郎知制誥依前充翰林學士散官勲賜如故

授學士沈傳師加舍人制

勅書云臣作朕股肱耳目言天下不可一人理也今國家崇建執事以任股肱妙選侍臣實司耳目股肱良則心膂正耳目審則視聽明苟非端人何以近我而朝議郎守尚書兵部郎中知制誥充翰林學士上護軍賜紫金魚袋沈傳師潔靜精微風流儒雅名因道勝信在言

前謙而愈光卑以自牧專對無不達羣居若不知而又
煥有文章發為詞誥使吾禁省中無漏露之患而朕語
言與三代同風勤亦至矣事我滿歲命汝即真勉竭乃
誠以輔台德可守中書舍人依前翰林學士散官勲賜
如故

授元稹中書舍人翰林學士制

白居易

勅仲尼曰志有之言以足志文以足言言之無文行而

不遠故吾精求雄文達識之士掌密命立內廷甚難其

人爾中吾選朝散大夫守尚書祠部郎中知制誥上柱

國賜緋魚袋元稹去年夏拔自祠曹員外試知制誥而

能芟

一作削

繁詞剗艷

集作樊

句使吾文章言語與三代同

風引之而成綸綍垂之而為典訓凡秉筆者莫敢與汝

爭能是用命汝

集作爾

為中書舍人以司詔令

一作司詔

嘗因

暇日前席與語語及時政甚開朕心是用命汝

集作爾

為

翰林學士以備訪問仍以章綬寵

一作貴

榮其身一日之中

三加新命爾宜率

守一作

素履思永圖敬終如初足以報

我可守中書舍人充翰林學士仍賜紫金魚袋散官如

故

授蕭俛起居舍人充職制

勅左補闕翰林學士蕭俛頃居諫列職同其憂夙夜孜孜拾遺左右朕嘉乃志選在內庭自參密近益見忠謹終始不替尤足多之記事之官一時清選俾膺是命以弘勸獎可守起居舍人依前件

授學士王源中戶部侍郎制 李虞中

勅竭誠於補察必罄訐謨鋪文於誥命以先鴻業非明
識屢經於體遠麗藻已著於知微則何以副我虛求充
於任使翰林學士中散大夫中書舍人上柱國賜紫金
魚袋王源中天籟無器大球不磨範圍可以程縉紳刀
尺可以制度量自拔於郎署寘諸中禁嘗因進見敷奏
以言揖黃憲而褊克疑不生覩汲黯而風神自整今時
方無事政在和平外付股肱內依心腹必冀協恭以奉

上營道而同方俾下無間言上無偏聽萬物攸繫朕時
賴之勉勤夙夜之規以副簡求之望可尚書戶部侍郎
知制誥依前充翰林學士散官勲賜如故

授學士李讓夷職方員外郎充職制

前人

勅夫言語侍從之臣非賢不命久而加獎則彝典也翰
林學士朝議郎行左補闕賜緋魚袋李讓夷器以琢成
材為衆出蘊積邁時之志發明扶道之心學務研精文

推軼拔早飛聲於戎幕遂躡位於諫垣忠言屢聞密命
斯委果揚溫雅之清宜獲持謙一作之効亦既久次宜
所轉遷受遐寵於握蘭用酌勞於視草勉弘前懿以服
寵榮可行尚書職方員外郎依前充翰林學士散官賜
如故

授學士王源中等中書舍人制

前人

勅朝庭之制外有綸闈之職以奉大猷中有翰苑之司

以專察

疑作
審

命帝王懿範備舉而行森然在前其道一

貫朝散大夫守尚書戶部郎中充翰林學士上柱國賜

紫金魚袋王源中能斷大事美秀而文服君子之儒乘

賢人之業朝議郎行尚書禮部員外郎充翰林學士上

柱國賜紫金魚袋宋中錫和順積中英華發外懷致君

之志布經國之文二者皆國器也先皇帝能用之顧予

冲人敢不加敬申命執事崇其寵章藉右掖之芳名參

內庭之重任思為盡飾朝典宜之源中可權知中書舍

人依前翰林學士散官勲賜如故申錫可守尚書戶部
侍郎知制誥充翰林學士散官勲賜如故

授學士路隋等中書舍人制

勅夫秩高綸闡職替書命禁署之內用才尤難蓋以討
論而功垂無窮潤色而言流有截非嘉績早一作著雄

文夙翔則何以茂於轉遷副此僉屬朝議郎守諫議大
夫充翰林學士上輕車都尉賜紫金魚袋路隋澄澄天
倪落落風韻氣含古道行為人師朝議郎行尚書庫部

員外郎充翰林學士上柱國賜紫金魚袋韋表微符彩

外朗誠明中虛言皆本人疑動必循矩而皆揚歷榮序

輝華

一作

朝倫以高行清議發於身以精理敏識稱於

職而澄羣

疑

之聽昭宣素風况選自先朝擢居內職或

依經而諫諍為志或視草而周密居心言念前勞是嘉

成績洎予嗣位思親賢人覩形容而鄙恇自祛察言行

而公忠益見與詞達學偉望清規式叶予求宜從朝獎

中書理本內禁化源並承訓誥之榮往勵將明之道我

方舉爾善爾宜懋厥官隋可守中書舍人依前翰林學士散官勲賜如故表微可守本官知制誥依前翰林學士散官勲賜如故

授蕭寘充翰林學士制

崔瑤

勅揮翰金門諒屬詞華之妙論思玉署尤資周慎之才
選署惟精塞授斯重朝議郎行尚書兵部

關

蕭寘

內蘊沉識外揚清和羣居不流雅尚歸厚文摛錦繡學富縑紉早命中於射宮遂從知於壺奧靜無違心動有

餘裕用雖繫於通塞道自保於歲寒藹然休聲布在公
議是宜擢居密地掌我命書勵夙夜之講求備朝夕之
視聽副茲寵榮佇有弘益可守本官充翰林學士

授曹確充翰林學士制

沈詞

勅職奉命書選歸於鴻藻名叅侍從任切於端人由具
美而方陞一作階非一善而能進我今慎擇得自僉言起

居郎曹確秀發人倫行脩儒圃保此全器彰乎令名負
賈生之才識窺夫子之墻伋禮樂盡在襟情甚夷貞而

能和用則善晦遐志陵厲早超脫於池中茂業宏深動
聲華於日下爰自侯府列於王庭踐霜臺而職舉方書
立文階而事光載筆持以風表居然羽儀稽其行能雅
副銓擢是用寵爾良史為予近臣俾從瑣闥之榮更侍
玉堂之奧皇猷思暢用宣秘密之文清秩不移尚受無
私之旨秉心勿替於直道視草勉高乎訓詞無忘懿圖
佇答休命可守本官充翰林學士

授庾道蔚守起居舍人李文儒守禮部員外郎

並充翰林學士制

杜牧

勅天下為公選賢與能也况乎拔出流輩超侍帷幄豈
惟獨以文學止於代言亦乃密叅機要得執所見若非
賢彥豈膺選擢將仕郎守起居舍人庾道蔚善行必備
重價無對嘗自侯府升為諫臣每直言而盡誠不違忠
而偶意朝議郎行尚書禮部員外郎上柱國賜緋魚袋
李文儒才行冠時名聲譁衆揚歷臺閣宣昭職業無入
而不得其道守正而莫混其源並為儒者之英咸蘊賢

人之操久遊安在相見何晚

一作何晚
相見晚

禮曰君子稱人之

美則必爵之我既言矣亦能繫維宜盡忠謹以酌罷遇
並可守本官充翰林學士餘各如故

授裴諗司封郎中依前充職制

崔 嘏

勅臺郎望美詞苑地高榮列宿之輝華叅起草之宥密
自非風儀玉立器宇川停摛揆天之雄文蘊擲地之清
韻則不足以膺我妙選為時美談翰林學士考功員外

郎裴諗襲慶於門騰芳載席端莊抱吉士之操謹默得
賢一作人之風灼若春華皎如瑞素自擢居文囿參侍
瑤墀進對益見其周詳詞旨不離於雅厚是宜仍金鸞
之舊職榮粉署之新恩保乃休光更流芬馥可依前件

授蕭鄴翰林學士制

勅監察御史蕭鄴吾內有宰輔重德作為股肱外有侯
伯虎臣一作用寄藩翰至於參我密命立於內庭即必
取其器識弘深文翰道麗動能持正靜必居中指溫樹

而不言付虛襟而無隱此所以選翰林學士之意也前
此數者鄴皆有之是用拔於羣倫實在親近勉爾端行
副吾精求可依前件

授宇文臨翰林學士制二首 崔 嘏

勅吾方以文化天下期於太和故左右侍從之臣詞林
宥密之地必求其性識弘茂文藻適麗以備顧問以叅
周旋聞爾清直無徒雅厚自處富有天爵蔚為詞人是
用輟自儀曹置於翰苑惟端靜可以承渥澤惟敬慎可

以期遠圖資爾令猷副我殊選可守本官充翰林學士

二

勅禮部郎中宇文臨吾外有輔臣以敷一作大化中有

股肱

一作腹心

以摠

一作專

樞機而發揮絲綸恭侍顧問司我

耳目廣予腹心惟是東求擢居近密以爾詞賦清才珪

璋雅韻抱孤貞以造性踈端介以操持處衆流之中不

為自異居慎獨之際克念無私由是選自文昌昇於翰

苑爾宜一心以奉職勤百慮以省躬勿怠疏遠副吾恩

顧可守本官充翰林學士

授沈詢充翰林學士制

勅右拾遺集賢殿直學士沈詢叅宥密之命處侍從之地居可以備選用於他年動可以承顧問於此日不獨取文翰道麗之才亦必求孤貞雅厚之士惟乃祖在建中初以懿文興學司我元良一作長直乃父當元和中以清規茂行典我文誥能流積善之風鍾爾挺生之秀是用思彼前德擢於後來置在禁闈光我詞苑爾宜勤其身

以勞夙夜弘其用以新志業無俾枚舉嚴助之流獨承
榮於漢帝况職當視草官列諫垣宜思及雷之忠更潤
演綸之美可守本官充翰林學士

授司勳

總目
作對

郎中兼侍御史知雜事賜緋魚韓

偓本官充翰林學士制

錢 珣

勅執事近臣上無不可敬時

一作
持

文墨而分禁職者又

加等焉蓋諮訪之勤察期弘益訓詞之暇必進語言思
引君當道之心乃多士以寧之本則授禁職之選被加

等之私安可徒任筆端然後為得其官韓偓動人之行
率性自強慎獨不渝考祥甚遠資以講學見於文章惟
是求己之多播於羣譽矣朕初嗣丕業擢升諫曹繼陳
言辭固不一作懼摩切雖公賞曾光於赤紙而直誠尚記
於皂囊愈聞勵脩宜列左右故命爾之誥以詩人孟子
之說為端者茲不有賴於侍從乎可依前件

授右司郎中張元晏翰林學士制

前人

勅文也者性之表也積中為性發外為文冠乎妙用之
先繫彼化成之大而文之雅奧本具典謨所以教誥萬
方昭明百度代我而作求之必公其官張元晏嘗聞薦
紳論者多以爾儒行踐脩出言之章能顧於是聚問之
學一作聚斯不為人乃知發外之文實自積中之性吾
越在關輔不遑燕居大盜未屠蒸人且墜謂引過則責
躬必至謂伐叛則用武方勞爾其據體會機剪煩摠要
而復念害成於垂誠安假寵以自圖勿使詞臣不當朝

選可依前件

授中書舍人崔凝右補闕沈文

總目
作仁

偉並守本

官充翰林學士制

劉崇望

勅具官崔凝等凡帝王有應制侍從之人蓋思其朝夕
匡益也下詔先視質疑如流茲所以潤色出言交脩發
號夫漢代設玉堂內署開金馬外門得人甚多斯道大
振顧是眇末敢忘師虞職思其流以備左右我聞家遺
清風人懷恭德能濟其美者伊凝有之三代絲綸一門

冠蓋不墜其業者伊文偉有之而皆以墨妙詞芬策名
試第謙無矜物敏以適時周旋鳴玉之儀頡頏攀雲之
路訪於執事亦進厥良真我雍容之列所宜者也敬承
密命允叶同時可依前件

授翰林學士承旨戶部侍郎崔汪尚書右丞學
士中書舍人崔洵李礩並戶部侍郎知制誥
充學士制

薛廷珪

勅朕以萬乘之尊託於人上居九五之奧以御區中財

成天地之宜外委于良輔夙夜宥密之命內咨于近臣
佇沃乃心底予于理具官崔汪山嶽鎮地望之而秀絕
無涯金石在懸扣之而宮商有序門第軒冕甲於當時
具官崔洎公台華胄名教偉人稟象緯之英姿得乾坤
之秀氣器業事望鎮於周行具官李磎學際天人道隆
姬孔參言語侍從之列擅淵雲賈馬之才履正居中格
于公論而皆體訓誥以事我拱霄極而致身吾得名臣
汝邁昌運君臣胥過千載一時或秩滿佇選或職勞可

舉往膺並命允屬當仁綱轄貳卿清重無對玉堂溫樹
近密執階遂爾扶搖副我欽屬可依前件

授起居郎李昌遠監察陸辰並守本官充翰林

學士制

勅近侍宸嚴叅予密命韜經濟彌綸之望為言語侍從
之臣迺眷周行朕將注意詢于卿士僉曰汝諧爰膺並
命之求允屬當仁之選起居郎李昌遠魁梧博厚寬裕
溫良蘊是粹和發為符采監察陸辰珪璋縝密咸護瑋

從藹然休聲礪乃佳器士林擢秀聞爾則百尺無枝筆
陣交鋒聞爾則一戰而霸皆伸於知己副我旁求瀆柱
下之清源無忘啟沃紹雲間之華譽勿鼓喧囂慎繼前
脩固言温樹吾有美實期爾為鹽梅吾有巨川佇爾為
舟楫勉思稱職無忝飛升可守本官充翰林學士

文苑英華卷三百八十四

欽定四庫全書

文苑英華卷三百八十五 宋 李昉等 編

南省一

左右僕射

授蕭重佖

一作惠
休下同

左僕射詔

沈 約

門下尚書萬事之本隆替是寄總司頓闕宜速有人征

虜將軍吳興太守建安縣開國子蕭重佖才學

一作淹
具

通識裁詳允內著嘉庸外敷美政入副朝端僉議斯在

可守尚書左僕射餘如故主者施行

南史蕭惠休為僕射重佀恐誤

授王亮左僕射詔

門下朝端任重刑政

一作禮

斯出自非民望時宗莫諧茲

舉通直散騎常侍吏部尚書領太子左衛率王亮器識
夷遠風鑒清奧贊務登朝庶績惟允宜崇名器以副具
瞻可尚書左僕射主者速施行

授劉幽求左僕射制

蘇頌

門下尚書佐理四方取則端揆成務百工是師非允具

瞻孰康庶績封州流人劉幽求風雲玄感川岳粹靈學
綜九流文窮三變義以臨事精能貫日忠以成謀用若
投水茂勲立艱難之際嘉話盈啓沃之初存謹直以不

回舊唐書作
顧又作設

為姦邪之所忌鬱萌頗露諧端潛後篇
作竊發

元宰見逐讒人孔多既誅

唐書
作珍羣克方宣大化期間政

於經始載登賢於夢卜可依舊金紫光祿大夫守尚書

左僕射知軍國大

唐書無
大字

事監脩國史上柱國徐公仍

依舊還實封七百戶并賜錦衣一襲主者施行

此篇四百四十八卷重出今已削去

授李林甫右僕射制

孫逖

門下端揆之職官之師長宰輔之位朕之股肱有能兼
領必在時傑光祿大夫吏部尚書兼集賢殿學士上柱
國李林甫國之懿屬一作文有濟時之明略自委三事于

茲九年大猷是經庶績惟叙使夫人登福壽俗致和平
垂拱而化以臻于道蓋天之贊我亦時乃之休况矜慎
有恒終始如一外無滿盈之色內秉謙卑之誠歲寒彌

堅夕惕彌厲褒德之義又何與之宜兼三綬之榮俾在百僚之首可尚書左僕射兼右相吏部尚書餘如故

授李忠臣右僕射制

常 袞

勅文昌所以法成象端右所以長庶寮秦漢則內掌武事魏晉或外綏戎政今之垣翰重任勤勞有功歷踐六卿始終一德必訪羣議然後當盛選淮西節度觀察處置等使開府儀同三司檢校工部尚書兼安州蔡州刺史御史大夫上柱國西平郡王李忠臣忠厚純茂信而

可親寬肅靜深通而必正備五才之用有百勝之全往
者寇孽亂常關洛多故爰奮其旅以先啓行大城名都
所靡必克元兇巨猾傳首相望定齊休士有建威之得
雋破趙會食亦淮陰之用竒漢東汝南專制千里總三
軍之號令兼八使之澄清約已撫人守集作道公遵職訓
師以禮載寧於戎閫尤賦從薄繼入於王府四封不聳
一紀于茲况忠衛之勲邦家是賴陝郊巡幸憂國存誠
能釋位以勤王亦見危而致命疾風逾勁何日忘之申

伯于藩自當褒勸韓侯入覲宜有寵光式是南宮俾崇
禮秩可檢校尚書右僕射知省事餘並如故

授崔圓左僕射制

門下左右丞相師長庶官無人則缺詔德而授以其久
次是有轉遷特進檢校尚書左僕射知省事兼揚州大
都督長史御史大夫充淮南節度觀察處置等使上柱
國崔圓山東偉才忠厚成性文高大雅學富全經直道
而行匪躬之故謀參經史節貫嚴凝嘗決議於廟堂早

書勲於王府外綏戎政久鎮名都苦心恤人精力勤職
閭艱思易適要除煩敦風化而少長有禮齊法令而軍
戎知禁正身不渝奉上彌恪有大賂南金之貢有浮泗
達河之漕事多弘濟人不疲勞淮海晏然朕實毗倚寵
章所以褒善大任所以寄賢俾升禮秩無替成命可檢
尚書左僕射餘並如故主者施行

授令狐彰右僕射制

勅中臺萬事之會端右庶僚之式所以總詳叅貳恢演

協宣勲德兼崇則殊在師長之重勤勞於外則不親損
益之煩凡命此官必書於冊極茲朝選用屬時賢滑亳
等州節度使開府儀同三司檢校工部尚書持節滑州
諸軍事兼滑州刺史御史大夫上柱國霍國公令狐彰
腹心純臣忠允明亮有張仲孝友之行有吉甫文武之
才秉其直方資以簡厚早擅韜畧尤工墨妙艱危致命
出入勤王中興之勲羣帥難尚雖驃騎之北至高關淮
陰之東下井陘積事度長抗衡集作異代自受任千里

疆于兩河靖安軍戎肇正封域弘布風教宣明憲章優禮意於文吏洽仁化於吐俗息馬論道讓其保塞之勞愛人省刑守我中朝之典載脩職貢以奉京師頌者復彼河流省其役費除歷年之所病匪踰月而成功開濟良謀東藩是賴不忘利國益見深衷予嘉乃休朝有明勸念齊侯之勞賜同申伯之封賞厚其禮秩允答奉公可檢校尚書右僕射餘並如故

授田神功右僕射制

門下萬事之本歸於司會百僚之師屬我端右所以綜
詳名實叅貳紀綱詔德選勞於是乎在開府儀同三司
檢校兵部尚書使持節汴州諸軍事兼汴州刺史御史
大夫充汴宋等州節度使上柱國信都郡王田神功忠
敬孝友寬厚深集作沉毅經之以詩書緯之以韜畧言能

顧行勇必體仁信義不愆於風雨知謀自叶於著蔡早

膺戎寄式是師貞有決勝合變之奇有明賞必罰之當

精貫白日氣陵高秋馭

集作友

盧龍之軍萬夫觀政

集作萬里

橫海討淮夷之叛一戰平吳統制濟河懋昭聲績徃以大

戎內曩華夏多虞入勤服勞扈遊能力忠衛社稷勲書

甲令建牙移鎮在浚之郊守龜蒙鳧繹之險當曹宗齊

魯之會牧人馭衆憂國奉公宣文教以布朝章訓武經

以明軍法脩職貢之禮率先闢外通轉輸之利益瞻闕

中疆宇不聳田萊加闢風俗澄一河南晏然夫以勲業

之崇而等威未峻報功優異集作賢豈允僉屬固宜副文

昌之長總周官之任仍兼連率益重方隅可檢校尚書

右僕射兼充本道觀察處置使餘並如故主者施行

授韓臯左僕射制

元稹

勅夫一邑之政而猶資老者之智用壯者之決况朝廷

之大得不以耆年重望居表正之地儀刑於

集作以
儀刑百

辟乎惟爾金紫光祿大夫檢校尚書右僕射兼吏部尚

書韓臯始以直言事代宗皇帝司諫諍復以文章政術

事德宗皇帝為舍人中丞京兆尹在順宗憲宗時出領

藩方入備卿長逮予小子歷事五君勤亦至矣而又處

權近之際未嘗以恩幸自寵於一時當趨嚮之間終不以薄厚見窺於衆目豈所謂徐公之行已有常而詩人之風雨不改耶日者銓覈羣才兼勞揆務頗煩倫擬有異優崇罷去職勞正名端右集作揆俾絕積薪之嘆且明尚齒之心凡百庶寮無忘咨稟可尚書左僕射餘並如故

左右丞

授劉知柔尚書右丞制

蘇頌

門下天臺管轄爰正紀綱人望僉宜方膺授受銀青光
祿大夫行尚書戶部侍郎上柱國彭城縣開國伯劉知
柔時行推美舊德歸高明暢襟情一作懷閒華風表蹈典
墳之芳潤總詞賦之笙簧慮常密於在公迹自勤於為
政萬人登數已聞書版之精六官揆才更俟彈珠之妙
可行尚書右丞散官勳如故主者施行

授源乾曜等尚書右丞等制

黃門一轄之重百官取則苟非其人何以成務正議大

夫行尚書戶部侍郎上柱國安陽縣開國男兼御史中丞源乾曜清深密靜有彌綸之識正議大夫行紫微舍人上柱國倪若水剛正明斷有精覈之才並果行育德以文飭吏事閑達舊章發揮大禮南臺執簡動中規模西掖揮毫舉成倫要必能主其禁令肅此網維宜膺郝詵之寵更叶楊喬之拜乾曜可尚書左丞勳封如故若水可尚書右丞散官勳如故主者施行

授陸景融尚書右丞等制

孫逖

門下紀綱中省贊貳六卿稱職惟難任賢斯在滎陽郡
太守陸景融等夙昭時望見重人倫脩德行為本源用
文章一作詞為潤飭清心雅道獨運虛舟敏識英才高標
利器著名滋久更事亦多天臺缺官廷議僉屬宜膺求
舊之舉俾叶往諧之命可依前件

授張紹貞尚書右丞制

門下朝議大夫守益州大都督府長史持節劔南節度
度支營田副大使知節度事兼採訪處置使攝御史中

丞上柱國張紹貞中積溫惠外形嚴肅通才應物妙理
為心亟踐方州咸推課最爰施密命且寄專征而紀綱
一臺彌綸百事缺官斯久選衆尤難宜輟南轅用昇右
轄可尚書右丞散官勲如故

授宋鼎尚書右丞等制

門下紀綱一臺爰資右轄彌綸五教必擇亞卿通議大
夫尚書刑部侍郎借紫金魚袋宋鼎雅操貞規為律人
之器朝議大夫中守尚書工部侍郎上輕車都尉郭虛

已通才敏識有成務之能並文行相資公忠自達履周
行而有裕在歷官而必聞柯葉不移芳馨可久宜允副
於朝選俾遞遷於省闈鼎可守尚書右丞虛已可尚書
戶部侍郎散官各如故

授崔翹尚書右丞制

門下司會之府尤重於紀綱舉能而官必慎於名器太
中大夫守河南

一作東

郡太守本道採訪處置使上柱國

崔翹文儒績業忠

闕

為狗公之節歷官

滋久更事亦多南省缺員中朝選舊宜取才於攬轡更
馳名於握管可守尚書右丞散官如故

授徐浩尚書左丞制

賈至

勅中書舍人徐浩精潔惠和敏而好學有凌雲之詞賦
兼臨池之翰墨祇勤直道厥德允修右掖司言已光綸
綉南宮掌轄仍佇紀綱可兼尚書左丞

授崔倫尚書左丞制

常袞

門下蘇武張騫使匈奴十餘歲不失節而歸漢武不過

典屬國騫拜中大夫而已朕每以勞大賞薄而流嘆也
頃以昆夷之俗繼好勤誠不忘綏懷喻我文告乃命太
中大夫前守太子右庶子兼御史中丞上護軍賜紫金
魚袋崔倫宣明威惠撫柔西海言忠事直舉無二信臨
大節而不奪匪謀身而苟免終能復命亦既序成使乎
四方可謂專達况躬服謨訓暢於詞律在天寶中已踐
郎位選部草議至今稱之顧其階歷當處要重之地加
之集作盡悴服勤所宜超進總典綱紀歸於臺轄以倫

才理精密練達朝章俾參柄用佇明政本仍加榮級以
勸勞臣可銀青光祿大夫行尚書左丞勳如故

授張重光尚書左丞制

門下國朝多以六卿之貳出領三輔入必稍遷或復舊
職不然則以左右轄處之中外迭居從其班列銀青光
祿大夫前華州刺史兼御史大夫充鎮國軍及潼關防
禦等使上柱國清河縣開國侯張重光明道若昧大方
無隅循一作禮以節事體信以達順固有擇行在於厥

躬其學既精其德亦厚可以質正大議和恒雅俗服在
通列鬱其休聲周歷五曹之副建明萬事之本剖符闕
輔叅化京師亦既政成且聞河潤紀綱臺務圖任舊人
職無不綜佇有條理可行尚書左丞散官勲封如故主
者施行

授席豫尚書右丞等制

徐安貞

門下朝散大夫使持節鄭州諸軍事守鄭州刺史上柱
國席豫等早升清禁備經推擇或政成大郡或績佇中

朝可以秉於樞轄正之僕御副於內府亞以尹京各恭
迺職允茲休命可依前件

授庾承宣尚書右丞制

白居易

勅朝議大夫守尚書刑部侍郎驍騎尉庾承宣昔我大
宗文皇帝嘗謂尚書丞百職綱維事一失中則天下有
受其弊者因命戴胄魏徵及杜正倫劉洎輩繼領是職
分居左右職集作脩事理人到於今稱之故吾前命崔
從持左綱今命承宣操右轄衆口籍籍頗稱集作得人

况承宣端諒勤敏周知典故必能為我紐有條之綱扼
妄動之輪坐曹得出入郎官立朝得奏彈御史決會政
要扶樹理本無俾戴魏劉杜專美於貞觀中可守尚書
右丞散官勲如故

授孔戣尚書左丞制

勅漢詔丞相歲貢

某作舉

質直忠厚遜讓者蓋所以急賢

高扶政教厚風俗也然則退藏踈賤之士苟有一善尚
搜而揚之况任久位崇才全望重而不致於急官要職

者將何

集作安可

以紀綱庶政而羽儀朝廷焉正議大夫守

右散騎常侍上柱國賜紫金魚袋孔戣自十年來歷中

臺左曹國庠卿寺洎藩守近侍之職各於其任皆有可

稱矧又貞白端莊澹然自立進無矜滿之色居無墮替

之容求之周行不可多得若戣者宜當扶政教厚風俗

之選也尚書丞掌決百事樞轄六曹晉魏以還右減

集作

卑於左惟有立者可以糾吏惟無瑕者可以律人無以

易戣往恭乃

一作

位可尚書左丞散官勳賜並如故

授周敬復尚書右丞制

楊紹復

勅百事根本在文昌官網轄不脩則庶政墮矣是以選擢之際常難其人

不有精才孰膺茲選

一作任

江南西道

都團練使觀察處置等使檢校右散騎常侍周敬復以精遠之詞早登科籍以深奧之學遂列顯名振風績於

南宮奮華輝於翰苑聲猷

一作由

實著名以事高厥德允

修在公不倦俾贊丞於都座庶警策於周行振舉朝倫有望於爾可尚書右丞

授崔蠡尚書左丞制

崔 瑕

勅提六聯之紀網總一臺之樞要自非才識兼茂夙標
峻整則何以統攝羣吏肅清衆官前天平軍節度使崔
蠡軒裳積慶文學藻身黃鍾涵待扣之音青萍蓄善割
之利早分列宿獨膺題柱之榮入踐禁闈共許演綸之
美累居重任亟換名藩貢籍銓衡必登於藻鑑觀風馭
衆益顯其長才廉車扇愷悌之仁將席蘊韜鈐之畧情
惟戀闕志在推賢詞必由衷事多餘美願我任才之意

當爾受代之辰言念前勞載加新命爾其瑩秦臺以分
美惡操漢律以檢尤違必俟端標用分曲影可依前件

文苑英華卷三百八十五

欽定四庫全書

文苑英華卷三百八十六 宋 李昉等 編

南省二

吏部尚書

授裴遵慶吏部尚書制 常 袞

門下尚書萬事之本選部五曹之右以掌邦典以掄官材漢魏以來多用宿儒高德蓋重其任也金紫光祿大夫守太子少傅集賢待制上柱國河東郡開國公裴遵

慶周慎禮節敬讓素居

集作周慎敬讓道素自居

博學而識前言懿

文而敦

其作知

大體迺者匡弼王室克和庶政訓導儲宮

用弘三善日新之美歲晚彌彰自陶融於元和不嬰拂於俗務名臣令望清議攸歸處以銓覈用澄流品抑華取實無俾滯才可吏部尚書散官勲封如故主者施行

授劉晏吏部尚書制

常 袞

門下獻善宣美職在納言錄賢任能必歸冢宰若萬事之本舉得其要一時之才選當其實則致理之體昭然

可見矣簡求碩德俾之典崇金紫光祿大夫檢校戶部
尚書兼御史大夫東都河南江淮山東等道轉運常平
鑄錢鹽鐵等使上柱國彭城郡開國公劉晏時傑國楨
高才博學超詣精理澹然素懷禮法之綱紀人倫之模
表嘗處台弼以弘訓範載其清靜濟我艱難自勞于外
又竭心力苟利於國不憚其煩領錢穀轉輸之重資國
家經費之本務其省約加以躬親小大之政必關於慮
出入農里止舍鄉亭先訪便安以之均節

一作以
均徭役事積

而不亂理簡而易從故得井賦田租萬億及秭方舟而下以給中都水旱不歉人懷其惠可謂盡瘁事國勤勞王家也思有褒進屢申退讓然以官人之任朝選無踰藉其叅領用鎮風俗所摠群務一以咨之中外兼濟固有餘力可吏部尚書餘如故主者施行

授蕭俛除吏部尚書制

白居易

勅古者君使臣以禮臣事君以忠季代以

集作已

還鮮由

茲道先皇帝常創於是故在位十五載凡解相印者殆

二十人多寵為大僚或付以兵柄矧予小子宜有加焉
而輔弼之臣嘗經一日造吾膝沃吾心則思與之始終
厚申恩禮不唯勸能者感來者且不敢失墜先志也尚
書右僕射蕭俛忠肅孝謹佐吾為理以勤事國以疾退
身本末初終不失其道既免

蘇唐書
作罷

樞務以為右揆

唐書

作俛居
端揆

朕欲加恩超等復吾前言而俛繼上讓章至於

三四敦諭頗

集作
煩

切陳乞彌堅是用改

集作
正

命為選部

尚書而猶冠六卿統百職尚可以表吾寵重亦所以成

爾謙光爾宜欽厥始

集作止

慎厥終無忝我褒揚之命可

吏部尚書

授鄭絀吏部尚書制

白居易

勅天官太宰秩序常尊自昔迄今冠諸卿首非位望崇
盛者不可以處之而朕即位以來凡命故相領者三矣
迨此而四可不重乎東都留守防禦使檢校刑部尚書
兼御史大夫滎陽縣開國公鄭絀有丙吉之寬裕子產
之恭惠合而為用藩輔四朝故事遺愛留於官次國之

都府半在東周委以保釐人安吏肅重煩者德入領冢

御昔魏用崔琰毛玠典吏曹一時之士以廉節自勵國

朝以

一有來字

宋璟李義掌選部亦能過絕謁託

集作訛偽

振張

紀綱官無古今得人則理吾言及此欲爾繼之可依前

件

授高元裕除吏部尚書制

杜牧

勅昔有虞氏貴德尚齒言於四代其道最優今吾卿老
富有道德以大家宰表率群僚顧予敢專得於僉議前

山東道節度管內觀察處置等使銀青光祿大夫檢校
吏部尚書使持節襄州諸軍事兼襄州刺史御史大夫
上柱國渤海縣開國男食邑三百戶高元裕始以御史
諫官在長慶寶歷之際匡拂時病磨切貴近固有顧慮
知無不為復以諫議舍人在太和末詞摧克魁坐以左
官繼為中丞京兆公卿藩服朕始在位徵歸朝廷爰自
尚書裂分茅土為政以德行已唯仁言集作信而履之服
而樂之餘三十年道益昭著夫中外之任迭有重輕今

者干戈蘊藏戎狄信順將欲詳考典禮開張教化使吾
丞相以降有所咨稟非爾元裕其誰膺之至於官業豈
勞倚任祇聽出納無忘教誠可授吏部尚書散官勲封
如故

授劉崇望吏部尚書制

錢 珣

勅朕常考易象否泰之說詩人雨雪之作知君子消長
之際繫王者政理之端矧乃大宥已行衆累皆滌非其
罪者敬以命之其官劉崇望吉德在躬明誠格物辭倡

寡和自合正聲昭兆

龜名見左傳

先知宜居前列朕初繼大

統方求國禎侍從之臣論思在爾代言之下弘道良多

察其寬裕之資授以弼諧之任恢張大禮

一作體

師法碩

人以掩細過為所以觀故事為所樂頃因讒慝偶惑

聽聞害賢魯寘於典章尚德敢忘於覺寤顧直書之史

冊何損於明還暫免之冠綏且復其所流澤而余心未

足經邦而卿位乃虛來整軒裳再提衡鏡山公密啓更

廣規模楚客騷離

一作辭

休勞諷諭勉居會府以率六卿

可依前件

授孔緯吏部尚書加食邑等制

薛廷珪

勅朕久為姦倖蔽我聰明其心惜然是非倒置一旦開
悟洞決疑迷寰區冀寧邪正茲別明發不寐思予蓋臣
雖已命官未滿延屬亟加寵澤式示優崇新授具官孔
緯直道致君至誠醫國先帝以爾輔弼予冲人業履之
勤一作
勲名明備於前制唯朕不明不敏俾爾埋厄于外者

有年美言念至此心焉震驚苟不驟加寵榮仍復微數
即何以示予補過之心也天官太宰首冠六卿往執銓
衡暫煩藻鏡殊思縟禮並復舊章迭聽履聲佇還袞職
惟爾元老體予虛懷可吏部尚書仍復持危啓運保乂
功臣開府儀同三司上柱國魯國公食邑四千戶實封
二百戶

兵部尚書

授張仁愿兵部尚書制

蘇頌

黃門名遂身退則聞告老優賢尚齒不忘求舊鎮國大將軍行右衛大將軍上柱國韓國公致仕仍給全祿及品子課朔望朝參張仁愿有將相之才樹忠公之績入稱三傑惟幄所以運籌出揔六師塞垣由其卧鼓懸利器而御物自中於桑林推素心以得士更成於李徑故能居室而應在邦必聞洎養疾歸休辭榮及禮用旌渭濱之兆空想潁陽之問乞言繫賴寵德攸宜佇增題劔之榮更遂揮金之樂可光祿大夫行兵部尚書餘如故主

者施行

授李林甫兵部尚書制

孫逖

門下緝熙九法董正六師必在其瞻以弘兼領金紫光祿大夫戶部尚書同中書門下平章事上柱國成紀縣開國男李林甫宗盟有慶王國生才明德為章懿文成範事君之節貫忠貞於四時應物之誠調惠和於一氣爰立作相以期於理不仁斯遠丕績用彰而詰禁制軍安人和衆是為邦政深期汝諧俾謀猷於七兵仍啓沃

於三事可兵部尚書餘如故

授李絳檢校右僕射兼兵部尚書制

元 稹

勅中大夫守御史大夫賜紫金魚袋李絳昔先皇帝誨
予小子曰堯時有神草在廷屈軼指佞汝知之乎夫邪
正在人焉有異物朕有臣李絳猶漢之汲黯也我百歲
後爾其用之為神羊屈軼斯可矣予小子銘鏤丕訓夙
夜求思是用致理之初關付授邦憲且欲

其有為丞相
吾二字

以降皆卑下之

集無此
六字

以示優遇朕亦嘗命安其步武

無為屑屑之儀而絳屨以疾辭不寧其職又焉敢以勞

偏

集作
倦

之故煩先皇帝舊臣昔晉僕射何季元病足求

免猶命坐家視事張子儒拜大司馬仍令兼錄一作
領尚

書則卧理不獨專在於郡符端右可以旁綏於戎政由

古道也爾其處議持平勉居喉舌慎所觀聽為人司南

可檢校尚書右僕射兼兵部尚書散官勳封如故

授陸辰兵部尚書制

錢 珣

勅周之九法歷代用焉進賢興功以分厥職故夏官之重高位久虛則有嘗秉化權方臨邦教惟人之命我不敢私俾正衣冠用光表著具官陸辰貌先恭肅氣實清明言欲訥於否臧德有容於醉飽中出而靜可謂達於樂乎外作而文所以深於禮也頃以宏博奉吾論思繼令祖之典謨去邪辭之枝葉洎當大用且屬多虞執政雖新犯顏已急我則有違蹇叔爾詎不如王陵剖竹遂行伏蒲未足還好爵而來惟辨色掩閑門而退乃韜光

考之中庸有以自得往次六卿之首無輕一等之遷進
賢興功必在敦故可依前件

授劉崇望兵部尚書制

薛廷珪

勅台衡舊德纓冕碩生朝昏常寘於我心事業無忘於
汝礪矧朕出潛之日實操顧命之書乃眷滋深公望惟
允宜膺重任以副旁求具官劉崇望昔以文詞事先帝
為翰林主人旋以藥石沃朕心號中興宰相歷試宏業
用一作周旋大寮人無間言動不過則云罷鉤軸亟移光

陰室既生白舟惟任觸浩然正氣充塞乎天地之間卓爾神光瑩徹乎星辰之表琴樽遂性名教檢身家事靡肥物情重瞻一作靖崇重言素履頗厚時風大道之行斯文未喪將論舊德允屬僉諧爰增光祿之勲往曳尚書之履敬佩休寵克當厥官無或宰謙尚欲高卧可光祿大夫守兵部尚書

戶部尚書

授畢構戶部尚書制

蘇頌

黃門司徒之官實掌邦教常伯之位先求國華銀青光祿大夫河南尹上柱國魏郡開國公畢構達識宏才調高學瞻器無不綜含清明以見微言有可觀負忠謹以居直百郡仰其成績三臺推其故事頃者任殷河尹聲滿洛師姦豪懼秋霜之威孤老懷冬日之愛故可辨于五物書以萬人誰其釐之俾爾作則可守戶部尚書散官勲如故主者施行

授裴寬戶部尚書制

孫逖

門下敬敷五教保息萬人缺官而擇副相惟允通議大
夫檢校御史大夫上柱國賜紫金魚袋裴寬器識高明
風規端肅蹇諤之用累驚鳥而莫當操割之能斷犀革
而何有亟登臺閣嘗擁旌旄禮樂為從政之文德刑是
戢兵之武雖地卿所掌實佇通才而天憲惟艱尚資兼
領宜曳尚書之履仍紆大夫之紳可守戶部尚書兼御
史大夫散官勲賜如故

刑部尚書

授豆盧欽望秋官尚書制

李嶠

鸞臺天作機衡實惟北斗朕之喉舌其在南宮揆德而
居非才莫可新除司府卿上柱國芮國公豆盧欽望踐
仁履義抱質含文出蒞藩臬具聞威惠入為朝諫一作
棟
多所弘益立身必由於清謹處職無廢於忠勤外府國
泉雖藉幹用中臺天憲更資明允宜膺尚德之舉令踐
詰姦之位可銀青光祿大夫守秋官尚書勳封如故主
者施行

授李又刑部尚書制

蘇頌

黃門王命司寇汝作士師允迪政刑旁求望實銀青光祿大夫行紫微侍郎

一作舍人

兼檢校刑部尚書兼知制誥

昭文館學士上柱國中山郡開國公李又恒碣之寶衣冠之華業揔四科才抱九德為邦理要洞入精微當代詞雄居成準的忠義得在公之體清脩稟行已之用紫泥掌誥雖密王言黃沙定罪是懸人命眷茲欽恤尤賴東序俾廻迹於西垣宜正名於北斗可刑部尚書學士

散官勲封如故主者施行

授裴敷復刑部尚書制

孫述

門下六卿分職朝選猶難三典佐王邦寄尤重朝議大夫守河南尹攝御史大夫持節江南東道宣撫招討處置使上柱國賜紫金魚袋裴敷復深沉偉量磊落宏才識無不通俎豆兼於軍旅行有餘力文學資於政事頃者巡撫江徼肅清姦宄大叔之謀既能止盜穰苴之法亦在安人功實簡心賞宜超等委之刑柄俾踐白雲之

司錫以身章更增金印之秩可銀青光祿大夫守刑部
尚書勲賜如故

授李巨憲部尚書制

賈至

門下褒賢策勲國之大典允文允武人之所賴陳留太

守嗣號王巨

此下疑
脫誤

杖劍

闕闕掌

一作
專

征東夏俾鎮遏

寇之職以寵維城之固可守憲部尚書

授房瑄刑部尚書制

賈至

門下蠻夷猾夏舜命繇作士楙功邁德黎民懷之周官

大司寇亦以五刑糾萬民之命邦典定諸侯之獄明德
慎罰先王至理前漢州刺史房琯既明且哲貞靜尚寬
有文行可濟於時有直言能匡其國獻可替否翼亮先
朝今寇賊初滅蒼生凋弊議獄緩死刑期無刑是用採
人望於舊臣舉國楨於元老俾掌二典以弼五教庶不
仁者遠姦宄道消尚德優賢仍加八命可特進刑部尚
書封如故

授崔璵刑部尚書蘇滌左丞崔璵兵部侍郎等

制

杜牧


勅喉舌百官之本網轄天下之要戎政國之大事三人
為衆一舉得之惟君知臣予不敢讓正議大夫尚書左
丞上柱國賜紫金魚袋崔璪德可標準言成文章揚歷
中外道益光顯左省駁議不畏疆禦分憂陝服尹茲東
郊政既安人化能被俗擢任薄鑑旋職牢籠材皆造宜
官無逋事分鎮股肱之郡遂成功實之臣陟處網曹副
以中憲每非

集作師

遠瑗常慕史魚杼彈之勇正當時病

翰林學士承旨銀青光祿大夫行尚書兵部侍郎知制誥武功縣開國男食邑三百戶蘇滌行冠人倫爵高天秩仁義禮樂之是務克伐怨欲之不行翱翔禁闈出入諷議汲黯為郡嘗聞卧理下惠去國皆以直道洎宣室思賈甘泉召雄造膝盡忠代言稽古近以微恙懇請自便君子之道進退可觀正議大夫前權知尚書戶部侍郎上柱國博陵縣開國子食邑五百戶賜紫金魚袋崔瑛上知自得不器難名既擅高文兼通博學掌言綸閣

典貢春闈詞同三代之風士掇一時之秀振舉職業宣
昭令名詩曰濟濟多士文王以寧禮曰官備天子為樂
洛爾琛等實瑞清時予為爾之德鄰爾膺予之慎選典
刑不忘於哀敬提綱惟在于公勤舉司馬法勿踵近習
各膺重位企佇上酌宜於夙夜無孤官業琛可守刑部
尚書散官勲賜如故滌可尚書左丞散官封如故璵可
權尚書兵部侍郎散官勲封賜如故



文苑英華卷三百八十六

欽定四庫全書

集部

文苑英華卷三百八十七至九

詳校官庶吉士臣柳遵祖

助教臣常循覆勘

總校官進士臣朱鈞

校對官中書臣鮑之鍾

謄錄監生臣任應銑

欽定四庫全書

文苑英華卷三百八十七

宋 李昉等 編

南省三

禮部尚書

投韋陟文部尚書制

賈至

門下周官大家宰以九職任萬人三歲大計羣吏之誅
賞選部綜覈時惟厥任非正人表臣齊明敏哲不可處
此御史大夫邠國公韋陟代篤惟忠祇勤於德文可以

經國業可以濟時有鄭僑惠主之仁史鮪君子之道頌
居小宰翼勤萬務銓鑒而必審其實拔舉而不失其能
秉心塞淵厥有成績可守文部尚書餘如故

授韋綬禮部尚書薛放刑部侍郎丁公著工部

侍郎等制

勅尚書左集作右丞韋綬等朕以集作在東宮時先皇帝垂

慈聖之德念予冲蒙選端士通儒使講貫今古自禮樂

刑政暨君臣父子之道博我約我日就月將俾予于

集無

于今不至墻面克荷丕訓大揚耿光實綬放公著之力也故朕嗣位未踰時月或自郡邸或自省署徵擢寵用為丞郎給事中官雖超拜職亦具舉師道光而心愈讓人爵貴而身益恭宜更復升重酌輔導以綬精粹辯博有先儒之風可作秩宗以放端明慎重行君子之道可居憲部以公著檢敬規度得有司之體可貳冬官於戲貞百工平五刑典三禮皆重任清秩予無愛焉蓋欲表二三子道不虛行而明予一人德無不報也綬可禮部尚

書放可刑部侍郎公著可工部侍郎餘官並如故

授裴休禮部尚書裴諗兵部侍郎等制

杜牧

勅冉有仲由孔氏門人高弟也尚曰處於小國可為其
臣況今照臨百官撫御四海綰牢籠漕輓之職掌五兵
六師之重次第超擢為吾大寮若非僉諧豈敢輕授正
議大夫守尚書兵部侍郎兼御史大夫統諸道鹽鐵轉
運等使上柱國河東縣開國子食邑五百戶賜紫金魚

袋裴休仁義禮樂文行忠信積此八者以為成人前宣
歛池等州都團練觀察處置等使太中大夫檢校左散
騎常侍兼御史大夫上柱國河東縣開國男食邑三百
戶賜紫金魚袋裴諗在元和代惟帝念功四夷九州文
化武伏咨爾先父實著大勲天必祚仁門有令嗣道直
才富行備名高文學而浹洽專精率履而清淨恭儉而
皆周歷華顯踐更臺閣處事可法出言成章咸輟自輪
闡任寄方伯教訓以禮生聚以康

集作仁

千里封疆一口

歌詠休乃命以取士時稱得人用其公方委之管權事
為之制曲為之防鈎校姦賊末減賦取公財不耗疲人
樂生望為準繩立作據依名實兼脩德位兩高漢史曰
理行尤異者就加禮曰有功於人者進律秩崇八座官
副夏卿舉以授之予亦何惜夫宰相佐天子公卿助宰
相股肱指臂任同一身有事必言未為越局無自愛惜
勉答寵榮休可守禮部尚書依前充諸道鹽鐵轉運等
使諗可權知尚書兵部侍郎散官勲封賜各如故

工部尚書

授建昌郡王攸寧冬官尚書制

李嶠

鸞臺事典職隆禮闈望切自非明德莫允具瞻具官建
昌郡王攸寧道臻八元名高兩獻行兼為善業茂多才
待問七車屢聞獻替叅司百揆多所弘益頃以牙璋首
路羽檄乘邊委以樽俎之謀籍其股肱之用而卑以自
牧成而不居固守鳴謙願離一作辭劇職重違雅志用成

其美宜遷九法之司回典百工之任可冬官尚書封如
故

授劉知柔工部尚書制

蘇頌

黃門司空之職以平水土常伯之任尤重臺閣鴻臚
卿上柱國彭城郡開國公劉知柔碩德耆秀行高才遠
文詞有綺績之工望實有珪璋之譽出膺賢守則郡國
循良入位名臣則衣冠準的可謂朝之明哲代之純懿
俾遷榮於北斗宜作範於南宮可銀青光祿大夫守工

部尚書勲如故主者施行

授盧正己工部尚書河南尹東都留守制

賈至

門下昔成王命君陳分正成周尹茲東郊曰惟爾令德
孝恭克施有政實大其舉俾振厥職先朝故事以擇舊
德元老貞固之臣每居守焉今寇逆始平洛師殘弊周
南分陝寄莫斯重太府卿盧正己忠肅恭懿仁而愛人
專鎮分憂居必致理是用命爾問疲瘵之俗政必以寬

化遷習之人謨必以義勸農穡之務事必以靜禁浸漁之暴令必以嚴可守工部尚書東郡留守散官勲封如故於戲無替朕命主者施行

授崔渙工部尚書制

常 袞

勅程品之重有若百工號令之先尤難六職崔渙學義精洞文詞典麗道高王佐才茂國華實每副名言皆顧行頃調鼎餼庶政惟和及典銓衡羣才式序中外更茂措紳所宗雅有大臣之節光其舊德之選冬卿命職汝

往欽哉可工部尚書餘如故

授韋貫之工部尚書制

白居易

勅河南尹韋貫之善馭者齊六轡善理者正六官六官
成則百事舉故吾選賢任舊集有以字次第補之而六卿之

材吾已得五闕一不可待汝而成汝貫之以正行明誠
為先朝輔始以直進終以直退道有消長德無緇磷及
師湘潭尹河洛而廉平清一之政繼聞於京師名簡吾
心善入吾耳宜置朝右以鎮集作厚時風况今之尚書

漢之公卿也言動可否屬人之

其無字之

耳目焉固不專於

率四屬程百工備位於冬官而已可工部尚書餘如故

授盧宏宣工部尚書制

崔 嘏

勅朕嗣膺寶位繼統洪業思與藩方大臣披其雲霧况
中外遍遷勞逸更處當用才之日急病是思及求舊之
時任賢斯切而中臺為政

一作致

理之本冬卿亦統任之

基方籍舊僚以俾新政前易定節度使盧宏宣自薊門
陷戎爾以舊族遷于洛京惟是冠婚喪祭之儀禮讓敬

恭之則推於四姓耀此一門而能自以文業吏師驅馳
當代歷踐華顯載茂休嘉累登齊壇常領京邑功有成
効人無間言及罷將軍之麾幢解刺史之印綬來朝絳
闕益見丹誠是宜正彼六聯昇于八座曳文昌之履通
秘殿之香一作書更增北斗之光輝或重南宮之喉舌承
我休命爾其敬哉

授鄭紹業工部尚書制

劉崇望

勅具官鄭紹業族掩五侯家多萬石盈數大名之後高

門陰德之餘茲實生賢聿來佐國而勵精士節炳煥人文韻宇弘深智度恢廓比博能於武庫方俊德於神鋒終始令圖出入大任丹墀絳闕自風體而弘多起草掌綸由天才之足用洎揚我休命出守荆門頗聞理聲急於徵請入則思邦家之久計出則擁旄節之一作上游

良佇忠貞乃期康濟爰從分務曠已歷時如聞舒不疚之懷安無怨之地雖有簞瓢之樂寧無憔悴之容能用善人我實所慕是命進爾於冬官八座乃庶績彞倫之

所由馬祗若朕言克邁乃訓

吏部侍郎

授盧藏用檢校吏部侍郎制 蘇頌

勅朝請大夫守中書舍人兼知吏部侍郎事脩文館學士上輕車都尉盧藏用含和育粹直道正身學貫儒墨詞精比興風塵之外獨秀瑤林清白之中常懸冰鏡自四年掌誥九品作程峻而不離一作雜重輕咸當簡而能要浮競斯遠刀尺之委銓衡已歸特選周才更符僉望

可檢校吏部侍郎仍佩魚如故

授陸景融吏部侍郎制

孫逖

門下小宰之官久虛其位至公之用惟才是舉一作與守

尚書左丞陸景融珪璋成器禮樂為文剛亦不吐柔而能立恬淡之性足以抑退浮華徽明之識足以激揚掩滯類能而使僉議允屬俾澄清於九流期風俗之一變可守吏部侍郎散官勳如故

授李彭年吏部侍郎制

孫逖

門下綜彼天秩亞于邦家易人之舉選衆尤難尚書兵部侍郎李彭年人望時秀雅才清識德以全誠文而致用操必割之器遇時事無前持不轉之心在公庭難奪必能敷求名實底慎銓衡宜輟七兵之務俾脩九流之法可守尚書吏部侍郎

授韋陟達奚珣等吏部侍郎禮部侍郎制

孫 逖

門下冢卿宗伯均國和人乃立其貳非才莫可正議大

夫行尚書禮部侍郎權知吏部侍郎上柱國彭城縣開
國男韋陟明斷一堅純鋼百鍊中書舍人權知禮部侍
郎上騎都尉達奚珣忠公淑慎白圭三復各推邦直皆
擅詞雄峻節彌高標不雜頃因時事之委深得選賢
之稱如有所試已副於僉諧必也正名宜光於並拜陟
可吏部侍郎奚珣可中散大夫守禮部侍郎勲封各如
故

授薛邕吏部侍郎制

常 袞

門下昔禹謂咎繇曰知人其難之魏武又云使吏部用心如毛玠風俗之易差不難矣今之銓綜但抑華崇本鎮以禮讓則庶官羣才不濫於進中散大夫守尚書禮

部侍郎集賢殿學士判院事上柱國汾陽縣開國子

集作

男賜紫金魚袋薛邕含和保真莫見其際雄詞秘學德行之餘信厚可親朝之英達往者潤色鴻業煥發絲言之美又與五經諸儒質正石渠之論擢以公望貳於秩宗豈惟人神之和兼舉孝秀

一作悌

之日鑒裁高朗加以

直清進退可否歸於精實慎乃服命五年如初擇吏辯
言宜當盛選無易前政副予得人可守尚書吏部侍郎
餘如故主者施行

授楊綰吏部侍郎制

常 袞

門下興化在於官人掄才歸於吏部佐平邦典選重朝
倫朝議大夫守尚書左丞集賢殿學士副知院事兼脩
國史楊綰澹雅貞亮弘其素範學究先儒之旨文高作
者之興三揖而進能守謙光一命而儻不忘恭敬頃司

綸言兼掌史筆嘗亦秉直夙推無對領春卿左轄之任
有奏議紀綱之績令猷自洽厚德彌彰叅我密啓屬於
清鑒當勵濯纓之操不遺刈楚之才敬爾在公無替厥
服可尚書吏部侍郎餘如故

授柳公綽吏部侍郎制

白居易

勅京兆尹兼御史大夫柳公綽長吏數易為害甚多邇
來都畿未免斯弊或苛急而人重困或懦集作軟弱而姦
不息得其中者其公綽乎細大必躬親剛柔不吐茹甚

稱厥職惜而不遷然智者常憂忠者常勞亦非吾以平
施御臣下之道也尚書六職天官首之辨論官材澄汰
流品比諸內史選妙秩清詢衆用能無易公綽爾其集
宜飭躬承命以裴王崔毛為心苟副吾言用稱乃職而
今而後亦何往而不適哉可尚書吏部侍郎

文苑英華卷三百八十七